



**Siku Blocki malillugu nunatsinni sanaartornermut atugassatut
pilersitsisoqarsinnaanera, taamaaliornikkut nunatsinni illuliornerup
aningaasatigut imminut nammassinnaasumik ingerlanissaanut
ilapittuutinngorlugu periarfissiuunnissaa pillugu Naalakkersuisut
UKA2022-mi nassuiaammik saqqummiusseqqullugit
peqquneqarnissaannik Inatsisartut aalajangiiffigisassaattut
siunnersuut.**

(Inatsisartunut ilaasortaq Mariane Paviasen, Inuit Ataqatigiit)

Siullermeerinnineq

Siunnersuuteqartoq Mariane Paviasen qujanaq saqqummiussannut.

Ullutsinni naleqquttunik nunattalu pissaritsitaanik atorluarneqarsinnaasunik nunattalu inerikkiartorneranut iluaqutaangaatsiarsinnaasut taamatullu illuliassanik qisuusunik asserfallakkiartupiloortartunik, nunatta pissarititaanik taarsertariaqarpagut, nunat saniligut qiviaraanni nunaminni inerisaasut nunallu pissarititaanik ineriartortitsisimasut assigalugit inerisaasariaqarpugut.

Ullutsinni nunatsinnut eqqussorneqartut qisuit savimerngit oqorsaatillumi akitsoraluttuinnarput, taamatullu nunatsinni sanaartorneq akitsoraluttuinnarluni. Sikublockimiit marraq atorluarsinnaanera Naleqqamiit upperilluinnarparput.

Narsami Narsarsuarmilu nunatta pissarititaanik atuilluni sanaartorsimaneq pitsaalluinnartutut isigaarput, ukiorpassuarnimi atorsinnaasut aserfallatsaaliugaalluinnarsimasullu nunatsinni tamani ator-neqalertariaqarput.

Nunatsinni ullumikkumut tusaamajuarsimavarput inissiarpassuit oqummik allanillu ajornartorsiortut, akiilu qaffakkaluttuinnarlutik ukiullu arlaqanngitsut nutartertuartariaqarlutik, nutarterinersuarpulli taamatullu oqummik naammattuuisarnerpassuagut annikillisassagutsigu nunatsinnullu tulluurtunik ujaasissagutta inissialioriaatitsinnut allannguisariaqarpugut, nunatsinnut tulluurtuinnartumik naleqquttumillu ujaasisariaqarluta.

Taamaattumik Naalackersuisut sakkortuumik peqqunarput sikublockip misilerarneqalissappata nunatsinni tamani misilerarneqassasut, nunap immikkoortui avatangiisaasigut assigiinngitsumik inissisimanerminni naleqquttuunersut paasiniarneqarniassammata.

Nunarput orpippassuaqarfiunngilaq kisiannili nunarput tamaat annertoorujussuarmik qisummik sanaanik sanaartorfiunikuuvoq, nunatsinni sumiiffinni tamani annertunerpaamik qisunnik sanaartorneq ingerlanikuuvoq. Maannakkulli takusinnaavagut pisoqalillutik atorsinnaajunnaariartuaartut, nunarput tamaat isigalugu qisunnik sanaartorneqarsimasut illuliaasimasut amerlasoorparujussuit naleqqukkunnaartut.

Tamatut oqaaseqarluta Naalackersuisut allannguutissatut siunnersuutaat taperserparput, ataatsimiititaliamullu susassaqartumut innersuussutigaarput.